

忠愍公詩集

忠愍公詩

集

四部叢刊三編集部

上海涵芬樓影
印明刊本原書
板匡高十七公
分寬十二公分

四部叢刊三編

忠愍公詩集

(85783)

中華民國二十五年六月初版

每部一冊定價國幣柒角伍分

外埠酌加運費匯費

發行人

王

上海

雲

河南

五路

印刷所

商

上海

務

河南

館路

發行所

商

上海

務

及各

書館

國

錄藏宋萊國忠愍寇公詩集引

惟有天下之大才斯成天下之大務所謂天下之大才前代姑置弗論若宋萊國忠愍寇公者非其人與其相真宗也虜犯澶淵勸上親征不動聲色而措天下於泰山之安非成天下之大務與竟以讒譖謫居遐荒齎志以沒人皆寃之尋詔歸葬洛師又詔復官爵又詔節惠易名又詔史臣述功行以垂後世卒於公無所損而公

之名愈彰彰於世矣承裕年甫三十餘讀公之
詩知其有劉長卿元微之之風格於是錄而藏
之時時展讀則公平生爲人之大槩未嘗不往
來於胷臆間也時弘治庚申歲夏四月平川王
承裕書與其財真宗山實非實儒士歸五不
之大本甫升故置弗歸去宋萊園忠惠公昔
卦休天不之大本漢知天不之大本所贈天不
經藏宋萊園忠惠公昔集

萊國寇忠愍公旌忠之碑

叅知政事孫抃奉

勅

上祀合宮之明年夏四月召兩府臣諭之曰故
太子太傅萊國公寇準方嚴鯁亮有文武偉才
在

太宗

真宗朝建大功立大節輸謀納忠誠貫白日不

幸以譴終朕甚歎嘉之其敕史氏譔揚勲烈具誌于石用垂示來世遂以命臣抃翌日又下詔賜旌忠之額且親篆以賁寵焉臣承命恐悻謹拜手稽首書其事公諱準字平仲其先出上谷昌平蓋春秋時司寇蘇公有勞於王室因官以命氏後世率多聞人若東漢恂子翬漕河內破蘇茂畫像雲臺爲中興勲臣曾孫侍中榮以辨絜亡匿宗黨潛散它土故譜謀亡傳又數世有

徙居馮翊者籍于三峯下遂爲華州下邽人曾
祖賓祖延良以唐末亂不仕父湘博古嗜學有
文章名晉開運中登甲科冠多士後應辟爲魏
王記室終焉知人者惜之以公貴封燕陳晉三
國公贈官至太師尚書令曾祖母白氏祖母鄭
氏母趙氏封許陳曹三國太夫人準始生風骨
峻爽與常童不類及從師入學校趨隅占對毅
然有成人風采旣冠讀左氏公羊穀梁傳不俟

忠惠文集
講說不循注疏三家異同之說輒援筆剖析以
辨明之辭適理正沛若大手先儒老生曰是真
所謂宿習者年十九一舉擢進士第解褐授大
理評事知歸州巴東縣時太平興國五年也後
三歲補大名府成安軍三遷殿中丞調兵食于
西夏還差通判鄆州得召見稱旨遂給札試禁
中授右正言分直東觀中謝日賜緋袍銀魚罷
汶上之命充三司度支推官俄轉鹽鐵蠲司判

官公事會詔百官邊事準極疏利病天子器之
擢署尚書虞部郎中充樞密直學士賜金紫判
吏部東銓未幾丁曹國太夫人憂有詔權奪不
得已起視事淳化改元授左諫議大夫充樞密
副使尋改同知樞密院事封上谷縣開國男是
年十月領青州明年九月召赴闕守本官叅知
政事中進封上谷郡開國侯至道二年閏七月
知鄧州

真宗皇帝嗣位遷尚書工部侍郎咸平元年五月移河陽軍二年八月改同州三年夏朝京師行次閬鄉就授鳳翔府五年五月詔詣行在轉刑曹權知開封府六年六月遷兵部充三司使進封開國公時始復鹽鐵度支部爲一使景德六年特授守本官同中書門下平章事集賢殿大學士二年十一月加中書侍郎兼工部尚書三年二月罷相進刑部尚書知陝府祥符初

扈從東封回遷戶部尚書知天雄軍四年四月
改兵部尚書車駕幸亳權東京留守六月遷檢
校太尉同中書門下平章事充樞密使八年四
月罷機務授同中書門下平章事持節鄧州諸
軍事行鄧州刺史充武勝軍節度鄧州管内觀
察處置使知河南府兼西京留守司移判永興
軍天禧元年二月換節襄州三年四月詔赴京
六月特授行中書侍郎兼吏部尚書同中書門

下平章事充景靈宮使集賢殿大學士十二月
改尚書右僕射四年六月罷相授太子太傅進
封萊國公九月降授太常卿知相州八月移守
安州途次棗陽貶道州司馬乾興元年二月再
貶雷州司戶叅軍準䟽通博裕果敢沈毅能斷
大務不循細檢喜風幹善議論與人無城府接
物無崖岸顧大義可爲者必奮厲翔躍以身先
之其勇若賁獲至於外險中艱斬然涯垠亦坦

坦無退衄意聞一善薦道推輓不進用不已附
離苟合者疾之如仇讎初補吏治二邑推至信
部中會期賦役止計鄉里姓名諭寺門民赴之
無毫髮稽遲者本道論薦至有以魯恭卓茂爲
比嘗奏事

真宗言切直上怒起準以手攀帝衣復御座持
議益勁固神色瞭然事既決乃退上曰此真將
相才吾得之若唐文皇倚魏鄭公爾歲大早上

問政闕失準對曰在洪範天人之際若影響是
固刑有所不平爾祖吉王維皆陛下朝臣頃曲
法受財各伏萬計吉伏誅家具籍沒維止校于
私室仍領濠之定遠簿蓋叅知政事汚同母弟
也陛下重輕如是亢熯之咎殆天所以誠告上
嗟悟者久之咸平景德中契丹頻歲犯塞多縱
遊騎剽略小不利即引去偽徜徉無闕意準曰
是狃我也願朝廷練帥領簡驍銳分據要害地